В лето 6780. Князь Василен Ярославичь Костромской согна из Володимера брата своего, 1272 а сам сяде в Володимере.

В лето 6786. Князи руския победиша ясы тотарския.

1278 л. 53

В лето 6789. Прииде рать тотарская и взяли Переславль.

1281

В лето 6794. Князи ростовские, князь Дмитрен да князь Констянътин Борисовичи, и 1286 разделили вотьчину. И паде жеребен болшему князю Дмитрею Углеч Поле да Белоозеро, а меншему брату князю Констянътину Ростов да Устюг.

В лето 6795. У князя Констян тина Ростовскаго родись сын князь Александр.

1287 л. 53 об.

В лето 6796. Преставись Игнатеи епископ Ростовскии. Тогда бе множество тотар в Ростове. 1288 Изьгнаша их, пограбя.

В лето 6799. Князь Дмитьреи Борисовичь посла на Устюг владыку Тарасия на освещение 1291 церкви Успения пречистыя Богородицы и послал с ним колокол<sup>у на</sup> пречистои.

В лето 6799. Прииде князь Андреи Александровичь Городії ецкоп<sup>5</sup> ратью на брата своего <sup>1291</sup> князя Дмитрея, а с ним Дюдень Щелкановичь с силою татарскою. И взяли Володимер, и Москву, и Переславьль. И всех взяли четырнатцать городов, в и много християн посекоша, а иных в полон взяли. А князь Дмитреи Александровичь во Псковг убежа. Того ж лета поидоша вси князи руские в Орду и владыка Тарасии Ростовскии.

В лето 6803-го. Принде в Ростов на княжение князь Констянтин Борисовичь.

1295

В лето 6807-го. Преставись князь Феодор | Смоленскии и Ярославскии, чюдотворец.

1299

В лето 6818. Петр митрополит приеха во Брянеск. А в то время князь Василеи Брянскии 1310 прииде на брата своего Святослава. И рече Петр митрополит Святославу: «Сыну, аз тя благословляю, поделися з братом своим княжением». Он же, надеяся на ся, не послуша, убъен бысть.

В лето 6821-го. Умре в Орде царь Тогтан, а на его место царь Ажбак.

1313

В лето 6825-го. Князь Юрье Дашиловичь Московской женился у царя ж Ажбяка. А с ним 1317 прииде посол царев. И поиде ко Твери и со княгинею на князя Михаила Ярославича. И он, князь, Юрьиву силу побил, а посла убил и княгиню зельем опоил. А князь Юрье в Орду утекл. И ва другое лето пошел князь Михаило сам в Орду и ста пред царем Азбяком. И рече ему царь: «Про что еси у зятя моего силу побил, и посла моего и дщерь мою уморил, и выходов не даешь?». И рече князь Михаило царю: «Князь Юрья аз прогнал, и дщерь твою уморил, и посла твоего убил, и выходов мне не давать». И повеле царь убить и мнози тотаровя ножи его избодоша. В лето 6829. Преставися князь Давид Федоровичь Ярославский, положен со отцем своим. д. 55 об.

В лето 6830. Прииде из Орды князь Иван Даниловичь, а с ним посол Ахмыл поганым. 1322 И много християн посекоша, а иных в полон поведоша, а град Ярославль сожже. Того же лета

прииде князь Дмитреи Михаиловичь на великое княжение в Володимер и Москву. В лето 6831. Заложенна бысть церковь каменъная на Москве, болшая, Успение пресвятыя 1323 Богородицы. | Тое ж зими месяца февраля в 12 день в 10 час нощи преставися преосвященъным п. 56 Петр митрополит Московъскии и всеа Русии.

В лето 6833. На Русь поставлен бысть Феогнаст митърополит. Того ж лета во Твери убили 1325 царева посла Шевкала. Тое ж анмы на Русь преиде рать тотарская: пять князеи темъных, а с ними воевода Федорчюк, да князь Иван Даниловичь, да Иван Александровичь.

В лето 6834. Князю Ивану Дани ловичю родись сын князь Семен.

1326

7,56 об. п. в лето 6835. Священа бысть церкви соборная Успение пресвятыя Богородица на Москве. 1327 Того же лета князь Иван Даниловичь прииде из Орды на Тверь и плени Тверь, а князь Иван Михаиловичь бежа во Псков.

В лето 6837. Князь великии Иван Даниловичь седе на великое княжение на Москве первое, 1329 и бысть тишина велия по всеи земли Рускои.

В лето 6838. Заложена бысть | церковь каменная на Москве Иван Лествичник под колоколы да Петр святыи и Спас Преображения на великого князя дворе.

В лето 6841. Создана бысть церкви каменна внутре града, собор архангела Михаила, еди- 1333 ного лета. Тое же зимы женись сын великого князя Ивана Даниловича князь Семен.

В лето 6847. Поиде в Орду князь великии Иван Даниловичь. В то ж лето поиде в Орду 1339 князь Александр Михаиловичь Тверскои, II а сына своего Феодора напреди посла. Тое ж зимы л. 57 об. поиде на Смоленеск ратью тотарскою Тувлуб, а с ним князь Иван Коротополии. А князь великии Иван Даниловичь послал же по цареву слову к Смоленску многих. И стояли много под городом. И, не взяв города, прочь отошли и волости повоевали.